



საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება N 02-05/98

ქ. ბათუმი

22 აგვისტო, 2018 წ.

ბსუ-ს სტუდენტთა კარიერული განვითარების, კულტურისა და სპორტის
დეპარტამენტის პერსონალის სამუშაოთა აღწერილობის დამტკიცების შესახებ

„უმაღლესი განათლების შესახებ“ საქართველოს კანონის 23-ე, 24-ე მუხლების, „საქართველოს შრომის კოდექსის“ საქართველოს ორგანული კანონის, ბსუ-ს წესდების მე-15 მუხლის, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის სტუდენტთა კარიერული განვითარების, კულტურისა და სპორტის სამსახურის რეორგანიზაციისა და მისი დებულების დამტკიცების თაობაზე“ ბსუ-ს წარმომადგენლობითი საბჭოს 2018 წლის 23 აპრილის N02 გადაწყვეტილების და „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის ადმინისტრაციული და დამხმარე პერსონალის საშტატო განრიგისა და სახელფასო ფონდის დამტკიცების შესახებ“ ბსუ-ს ადმინისტრაციის ხელმძღვანელის 2018 წლის 28 მაისის N02-01/1 ბრძანებისა და სტუდენტთა კარიერული განვითარების, კულტურისა და სპორტის დეპარტამენტის უფროსის 2018 წლის 16 აგვისტოს N1015032 მოხსენებითი ბარათის საფუძველზე

ვ ბ რ ძ ა ნ ე ბ:


1. დამტკიცდეს სტუდენტთა კარიერული განვითარების, კულტურისა და სპორტის დეპარტამენტის პერსონალის სამუშაოთა აღწერილობა დანართი 1-ის შესაბამისად.
2. ძალადაკარგულად იქნეს ცნობილი ბსუ-ს სტუდენტთა კარიერული განვითარების, კულტურისა და სპორტის სამსახურის პერსონალის სამუშაოთა აღწერილობის დამტკიცების შესახებ“ ბსუ-ს ადმინისტრაციის ხელმძღვანელის 2017 წლის 8 სექტემბრის N02-06/411 ბრძანება.

3. ბრძანება აღსასრულებლად და სახელმძღვანელოდ დაეგზავნოს ბსუ-ს შესაბამის სტრუქტურულ ერთეულებს და პერსონალს.

4. ბრძანება გამოქვეყნდეს ბსუ-ს ვებგვერდზე (ვებზე „საუნივერსიტეტო ნორმატიული აქტები“ და „ჩვენ შესახებ“ -სტრუქტურულ ერთეულებში“).

5. ბრძანება ძალაშია ხელმოწერისთანავე.

ადმინისტრაციის ხელმძღვანელი



ჯემალ ანანიძე

„დამტკიცებულია“

ბსუ-ს ადმინისტრაციის ხელმძღვანელის
2018 წლის 22 აგვისტოს N02-05/98 ბრძანებით

**ბსუ-ს სტუდენტთა კარიერული განვითარების, კულტურისა და სპორტის
დეპარტამენტის პერსონალის სამუშაოთა აღწერილობა**

1. საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის (შემდგომში - „უნივერსიტეტი“ ან „ბსუ“) დამხმარე სტრუქტურული ერთეულის - სტუდენტთა კარიერული განვითარების, კულტურისა და სპორტის დეპარტამენტის (შემდგომში „დეპარტამენტი“) პერსონალის სამუშაოთა აღწერილობა განისაზღვრება დეპარტამენტის დებულებითა და ბსუ-ს სამტატო განრიგის შესაბამისად.

2. დეპარტამენტის ქვე-სტრუქტურული ერთეულებია:

- ა) სტუდენტთა კარიერული განვითარებისა და მხარდაჭერის განყოფილება;
- ბ) სტუდენტთა ელექტრონული რესურსების მართვის განყოფილება;
- გ) კულტურისა და სპორტის განყოფილება.

2. დეპარტამენტის სტუდენტთა კარიერული განვითარებისა და მხარდაჭერის განყოფილების პერსონალის ფუნქციებია:

2.1. სტუდენტთა კარიერული განვითარებისა და მხარდაჭერის განყოფილების უფროსი ხელმძღვანელობს დეპარტამენტის შემდეგი ფუნქციების შესრულებას:

- ა) სტუდენტთა უფლებებისა და კანონიერი ინტერესების დაცვა, ასევე სასწავლო პროცესთან და სტუდენტურ სერვისებთან დაკავშირებულ საკითხებზე საკონსულტაციო მომსახურება;
- ბ) შეზღუდული შესაძლებლობის მქონე სტუდენტების მხარდაჭერა საუნივერსიტეტო ცხოვრებაში მათი ინტეგრირების მიზნით და შესაბამისი წინადადებების უნივერსიტეტის ადმინისტრაციისათვის წარდგენა;
- გ) უნივერსიტეტის სასწავლო და სამეცნიერო საქმიანობის პოპულარიზაციის ღონისძიებების ორგანიზება და განხორციელების ხელშეწყობა (საუნივერსიტეტო ინტელექტუალური/სამეცნიერო/შემეცნებითი ხასიათის და საქველმოქმედო სახის შემოქმედებითი სტუდენტური ღონისძიებების დაგეგმვა და განხორციელება);
- დ) უნივერსიტეტში მოქმედი სტუდენტური სერვისების (მათ შორის ახალი სერვისის ამოქმედების შესაძლებლობის), ასევე საგანმანათლებლო სფეროში მიმდინარე კონკურსების, პროექტების და პროგრამების შესახებ ინფორმაციის მოძიება და უნივერსიტეტის სტუდენტებისათვის ხელმისაწვდომობის უზრუნველყოფა (ვებგვერდზე და ყველასათვის ხელმისაწვდომ ადგილებზე განთავსება/გაცნობა);
- ე) სტუდენტების ხელშეწყობა დასაქმებისათვის აუცილებელი ზოგადი უნარ-ჩვევების განვითარებაში, მათი ინფორმირება შრომის ბაზრის დინამიკასა და პერსპექტივებზე,

სტუდენტთა დასაქმების ხელშეწყობის სხვადასხვა ღონისძიებების დაგეგმვა და განხორციელება, დამსაქმებლებთან მჭიდრო თანამშრომლობა, მათი სასწავლო პროცესთან დაახლოებისა და სამომავლოდ, საგანმანათლებლო პროგრამების განხორციელებაში ჩართულობის უზრუნველსაყოფად;

ვ) სტუდენტთა დახმარება განათლებისა და კარიერის სწორად წარმართვაში და დამსაქმებლებთან ურთიერთობაში;

ზ) შრომის ბაზრისა და დასაქმების საკითხებზე მომუშავე ორგანიზაციებთან (სახელმწიფო, არასამთავრობო თუ საერთაშორისო ორგანიზაციებთან) თანამშრომლობა და ინფორმაციის გაცვლა სტუდენტთა დასაქმების ხელშეწყობის მიზნით;

თ) საუნივერსიტეტო აქტივობების (სტუდენტთა სამეცნიერო წრის მუშაობის, სტუდენტური გაერთიანებების/ჯგუფების ინიციატივების და სხვა) განხორციელების მხარდაჭერა, ამ მიზნით სხვადასხვა პროექტების მომზადება-განხორციელების ხელშეწყობა;

2.2. სტუდენტთა კარიერული განვითარებისა და მხარდაჭერის განყოფილების უფროსი:

ა) პასუხისმგებელია განყოფილების საქმიანობის სწორად წარმართვაზე, ვალდებულია რაციონალურად გაანაწილოს შესასრულებელი სამუშაო ადმინისტრაციის ხელმძღვანელის ბრძანებით დამტკიცებული წინამდებარე სამუშაოთა აღწერილობისა და უნივერსიტეტის სამართლებრივი აქტების შესაბამისად და გააკონტროლოს შესრულებული სამუშაოს ხარისხი;

ბ) განყოფილების კომპეტენციის ფარგლებში ამზადებს წინადადებებს და წარუდგენს დეპარტამენტის უფროსს;

გ) თავისი კომპეტენციის ფარგლებში ვიზიტით ადასტურებს/ითანხმებს განყოფილების ან/და უნივერსიტეტის სტრუქტურული ერთეულების მიერ მომზადებული სამართლებრივი აქტებისა და კორესპონდენციის პროექტებს;

დ) შუამდგომლობს იმ სახსრების, მოწყობილობებისა და ინვენტარის გამოყოფაზე, რაც აუცილებელია განყოფილების ფუნქციებისა და ამოცანების შესასრულებლად;

ე) წარადგენს საქმიანობის ანგარიშს ყოველ 6 თვეში ერთხელ და რექტორისა, ადმინისტრაციის ხელმძღვანელის და დეპარტამენტის უფროსის დავალებით ნებისმიერ დროს;

ვ) ახორციელებს დეპარტამენტის დებულებით, წინამდებარე სამუშაოთა აღწერილობით, უნივერსიტეტის სამართლებრივი აქტებით განსაზღვრულ ფუნქციებსა და დეპარტამენტის უფროსის დავალებებს, განყოფილების კომპეტენციის ფარგლებში.

2.3. სტუდენტთა კარიერული განვითარებისა და მხარდაჭერის განყოფილების მთავარი სპეციალისტი:

- ა) ეწევა სტუდენტთა საკონსულტაციო მომსახურებას უნივერსიტეტის სასწავლო პროცესთან და სტუდენტური სერვისების მიღებასთან დაკავშირებით;
- ბ) ხელს უწყობს სტუდენტთა უფლებებისა და კანონიერი ინტერესების დაცვას, განყოფილების უფროსს წარუდგენს წინადადებებს უცხოელი სტუდენტებისა და შეზღუდული შესაძლებლობის მქონე სტუდენტების საუნივერსიტეტო ცხოვრებაში ინტეგრირების ხელშეწყობისათვის;
- გ) ჩართულია უნივერსიტეტის სასწავლო და სამეცნიერო საქმიანობის პოპულარიზაციის ღონისძიებების ორგანიზება-დაგეგმვის პროცესში, კოორდინაციას უწევს ამ მიმართულებით (მათ შორის სამეცნიერო წრეების აქტივობების) უნივერსიტეტის ვებგვერდზე და სოციალურ ქსელებში განსათავსებელი ინფორმაციის მომზადებას და დადგენილი წესის შესაბამისად განთავსებას;
- დ) მოიძიებს უნივერსიტეტში მოქმედი სტუდენტური სერვისების, ასევე საგანმანათლებლო სფეროში მიმდინარე კონკურსების, პროექტების და პროგრამების შესახებ ინფორმაციას უნივერსიტეტის სტუდენტებისათვის ხელმისაწვდომობის უზრუნველსაყოფად (ვებგვერდზე და ყველასათვის ხელმისაწვდომ ადგილებზე განთავსება/გაცნობა);
- ე) ამზადებს წინადადებებს სხვადასხვა სოციალური პროექტების შესახებ და ხელს უწყობს ამ პროექტების და სტუდენტების სხვადასხვა საუნივერსიტეტო აქტივობების განხორციელებას;
- ვ) ორგანიზებას უწევს უნივერსიტეტის სტუდენტთა სამეცნიერო წრის ფუნქციონირებას (გაწევრიანება, მუშაობის დაგეგმვა-განხორციელება ამორიცხვა);
- ზ) ასრულებს უნივერსიტეტის აქტებით განსაზღვრულ სხვა ფუნქციებს და დეპარტამენტის უფროსისა და განყოფილების უფროსის სხვა დავალებებს.

2.4. სტუდენტთა კარიერული განვითარებისა და მხარდაჭერის განყოფილების წამყვანი სპეციალისტი :

- ა) ეწევა სტუდენტთა საკონსულტაციო მომსახურებას უნივერსიტეტის სასწავლო პროცესთან და სტუდენტური სერვისების მიღებასთან დაკავშირებით;
- ბ) ხელს უწყობს სტუდენტთა უფლებებისა და კანონიერი ინტერესების დაცვას, განყოფილების უფროსს წარუდგენს წინადადებებს უცხოელი სტუდენტებისა და შეზღუდული შესაძლებლობის მქონე სტუდენტების საუნივერსიტეტო ცხოვრებაში ინტეგრირების ხელშეწყობისათვის;
- გ) მოიძიებს ინფორმაციას დამსაქმებლებთან მჭიდრო თანამშრომლობისათვის, მათი სასწავლო პროცესთან დაახლოებისა და საგანმანათლებლო პროგრამების განხორციელებაში ჩართულობის უზრუნველსაყოფად;
- დ) მონაწილეობს ბსუ-ს სტუდენტთა დასაქმების და სტუდენტების სხვადასხვა საუნივერსიტეტო აქტივობების განხორციელების ხელშეწყობის ღონისძიებებში;
- ე) ასრულებს უნივერსიტეტის აქტებით განსაზღვრულ სხვა ფუნქციებს და დეპარტამენტის უფროსისა და განყოფილების უფროსის დავალებებს.

3. დეპარტამენტის სტუდენტთა ელექტრონული რესურსების განყოფილება:

3.1. სტუდენტთა ელექტრონული რესურსების განყოფილების უფროსი:

- ა) პასუხისმგებელია განყოფილების საქმიანობის - სასწავლო პროცესის (spm.bsu.edu.ge) მართვის ელექტრონული სისტემის და სტუდენტური პორტალის (portal.bsu.edu.ge) ადმინისტრირების - სწორად წარმართვაზე;
- ბ) ვალდებულია რაციონალურად გაანაწილოს განყოფილების შესასრულებელი სამუშაო, კერძოდ, სტუდენტების/პროგრამების რაოდენობის, ფაკულტეტების, შესასრულებელი სამუშაოს სირთულისა და მოცულობის გათვალისწინებით;
- გ) ვალდებულია გააკონტროლოს განყოფილების პერსონალის მიერ სამუშაოს შესრულების პროცესი და შესრულებული სამუშაოს ხარისხი, ადმინისტრაციის ხელმძღვანელის ბრძანებით დამტკიცებული წინამდებარე სამუშაოთა აღწერილობისა და უნივერსიტეტის სამართლებრივი აქტების შესაბამისად;
- დ) განყოფილების კომპეტენციის ფარგლებში ამზადებს წინადადებებს და წარუდგენს დეპარტამენტის უფროსს;
- ე) თავისი კომპეტენციის ფარგლებში ვიზიტით ადასტურებს/ითანხმებს განყოფილების ან/და უნივერსიტეტის სტრუქტურული ერთეულების მიერ მომზადებული სამართლებრივი აქტებისა და კორესპონდენციის პროექტებს;
- ვ) შუამდგომლობს იმ სახსრების, მოწყობილობებისა და ინვენტარის გამოყოფაზე, რაც აუცილებელია განყოფილების ფუნქციებისა და ამოცანების შესასრულებლად;
- ზ) წარადგენს საქმიანობის ანგარიშს ყოველ 6 თვეში ერთხელ, რექტორის, ადმინისტრაციის ხელმძღვანელისა და დეპარტამენტის უფროსის დავალებით ნებისმიერ დროს;
- თ) განყოფილების კომპეტენციის ფარგლებში ახორციელებს დეპარტამენტის დებულებით, წინამდებარე სამუშაოთა აღწერილობით, უნივერსიტეტის სამართლებრივი აქტებით განსაზღვრულ ფუნქციებსა და დეპარტამენტის უფროსის დავალებებს.

3.2. სტუდენტთა ელექტრონული რესურსების განყოფილების მთავარი სპეციალისტი (I,II) ახორციელებს სასწავლო პროცესის (spm.bsu.edu.ge) მართვის ელექტრონული სისტემის ადმინისტრირებას დეპარტამენტის/განყოფილების უფროსის დავალების ფარგლებში და ასრულებს შემდეგ ფუნქციებს:

- ა) სტუდენტის ელექტრონული პირადი საქმის შექმნა და წარმოება;
- ბ) სტუდენტთა აკადემიური და ადმინისტრაციული რეგისტრაციის პროცესის ადმინისტრირება;
- გ) აკადემიური უმაღლესი განათლების პირველი და მეორე საფეხურის სასწავლო პროცესის მარეგულირებელი წესების შესაბამისად სასწავლო პროცესის მართვის ელექტრონული სისტემის წარმოება (სტუდენტთა მონაცემების შეტანა, სისტემატიური განახლება, შესაბამისი ცვლილებების ასახვა და სხვა);
- დ) სხვადასხვა საჭიროებიდან გამომდინარე სასწავლო პროცესის (spm.bsu.edu.ge) მართვის ელექტრონული სისტემაში არსებული ინფორმაციის დამუშავება (სტუდენტ-

ტა სიებისა და სხვადასხვა ინფორმაციის - აკადემიური მოსწრების შესახებ/აკადემიური და აკადემიური რეგისტრაციის შესახებ/სტატუსის შესახებ, უწყისების და სტუდენტთა მობილობის შესახებ ინფორმაციის და ა.შ. მომზადება და გაცემა);

ე) საგამოცდო უწყისების სასწავლო პროცესის ელექტრონული ჟურნალიდან ამობეჭდვა, დამუშავება და შენახვა;

ვ) დეპარტამენტის/განყოფილების უფროსის სამსახურებრივი დავალებების შესრულება.

3.3 სტუდენტთა ელექტრონული რესურსების განყოფილების მთავარი სპეციალისტი (III) ახორციელებს სტუდენტური პორტალის (portal.bsu.edu.ge) ადმინისტრირებას დეპარტამენტის/განყოფილების უფროსის დავალების ფარგლებში და ასრულებს შემდეგ ფუნქციებს:

- ა) უზრუნველყოფს სტუდენტის ელექტრონული პირადი საქმის განთავსებას სტუდენტის პირად პროფილში;
- ბ) აკადემიური უმაღლესი განათლების სამივე საფეხურის სასწავლო პროცესის მარეგულირებელი წესების შესაბამისად სტუდენტური პორტალის წარმოება (სტუდენტთა მონაცემების შეტანა, სისტემატიური განახლება, შესაბამისი ცვლილებების ასახვა და სხვა);
- გ) ბსუ-ს შესაბამის სტრუქტურულ ერთეულებთან კოორდინირებით სტუდენტურ პორტალზე შესაბამისი ინფორმაციის განთავსება;
- დ) საჭიროების შემთხვევაში დეპარტამენტის/განყოფილების უფროსთან შეთანხმებით პორტალის მომხმარებლებისათვის, პერსონალისათვის, დამსაქმებლებისათვის და სხვა პირებისათვის (ბსუ-ს ინტერესებიდან გამომდინარე) მოკლე ტექსტური შეტყობინებების დაგზავნა;
- ე) მოთხოვნისა ან/და საჭიროებიდან გამომდინარე სხვადასხვა სტატისტიკური ინფორმაციის დამუშავება;
- ვ) შესაბამისი სამართლებრივი აქტის/კორესპონდენციის/დეპარტამენტის უფროსის თანხმობით (ვიზირებით) სტუდენტის პროფილის ან სხვა სახის პირადი ინფორმაციის რედაქტირება;
- ზ) დეპარტამენტის/განყოფილების უფროსის სამსახურებრივი დავალებების შესრულება.

4. დეპარტამენტის კულტურისა და სპორტის განყოფილების პერსონალის ფუნქციები:

4.1. კულტურისა და სპორტის განყოფილების უფროსი ხელმძღვანელობს დეპარტამენტის შემდეგი ფუნქციების შესრულებას:

- ა) კულტურისა და სპორტის მიმართულებით სტუდენტური სერვისების მიღებასთან დაკავშირებით სტუდენტთა საკონსულტაციო მომსახურება;

ბ) უნივერსიტეტის კულტურული და სპორტული საქმიანობის პოპულარიზაცია, ორგანიზება და განხორციელების ხელშეწყობა (საუნივერსიტეტო ინტელექტუალური/სამეცნიერო/ შემეცნებითი ხასიათის და საქველმოქმედო სახის შემოქმედებითი სტუდენტური ღონისძიებების დაგეგმვა და განხორციელება;

გ) საუნივერსიტეტო სპორტული გუნდების, მუსიკალური ანსამბლებისა და შემოქმედებითი ჯგუფების შექმნის შესახებ სტუდენტთა ინიციატივების მხარდაჭერა, მათი რეალიზაციის ხელშეწყობა და ამ მხრივ საქმიანობის კოორდინაცია;

დ) საუნივერსიტეტო სპორტის განვითარება, სპორტის პოპულარიზაცია, სპორტული ღონისძიებების/უნივერსიადების ორგანიზება, ნიჭიერი სტუდენტების გამოვლენა, უნივერსიტეტის სახელით რეგიონალურ და რესპუბლიკურ უნივერსიადებში და სტუდენტურ დღეებში მათი მონაწილეობის მხარდაჭერა/ხელშეწყობა;

ე) უნივერსიტეტის სტუდენტების ჰარმონიული განვითარებისა და სახელოვნებო სივრცეში მათი მოზიდვის ხელშეწყობის მიზნით შესაბამისი შემოქმედებითი კონტაქტების დამყარება და უნივერსიტეტის სტუდენტების შემოქმედებით საქმიანობაში ჩაბმაზე ზრუნვა, მათი ნიჭისა და სურვილის შესაბამისად;

4.2. დეპარტამენტის კულტურისა და სპორტის განყოფილების უფროსი:

ა) პასუხისმგებელია განყოფილების საქმიანობის სწორად წარმართვაზე, ვალდებულია რაციონალურად გაანაწილოს შესასრულებელი სამუშაო ადმინისტრაციის ხელმძღვანელის ბრძანებით დამტკიცებული წინამდებარე სამუშაოთა აღწერილობისა და უნივერსიტეტის სამართლებრივი აქტების შესაბამისად და გააკონტროლოს შესრულებული სამუშაოს ხარისხი;

ბ) განყოფილების კომპეტენციის ფარგლებში ამზადებს წინადადებებს და წარუდგენს დეპარტამენტის უფროსს;

გ) თავისი კომპეტენციის ფარგლებში ვიზიტით ადასტურებს/ითანხმებს განყოფილების ან უნივერსიტეტის სტრუქტურული ერთეულების მიერ მომზადებული სამართლებრივი აქტებისა და კორესპონდენციის პროექტებს;

დ) შუამდგომლობს იმ სახსრების, მოწყობილობებისა და ინვენტარის გამოყოფაზე, რაც აუცილებელია განყოფილების ფუნქციებისა და ამოცანების შესასრულებლად;

ე) წარადგენს საქმიანობის ანგარიშს ყოველ 6 თვეში ერთხელ და რექტორისა, ადმინისტრაციის ხელმძღვანელის და დეპარტამენტის უფროსის დავალებით ნებისმიერ დროს;

ვ) ახორციელებს დეპარტამენტის დებულებით, წინამდებარე სამუშაოთა აღწერილობით, უნივერსიტეტის სამართლებრივი აქტებით განსაზღვრულ ფუნქციებსა და ასრულებს დეპარტამენტის უფროსის დავალებებს, განყოფილების კომპეტენციის ფარგლებში.

4.3. კულტურისა და სპორტის განყოფილების მთავარი სპეციალისტი:

- ა) სტუდენტური სერვისების (შემოქმედებით/კულტურულ/მუსიკალურ/სპორტულ გუნდებში/ჯგუფებში გაწევრიანების, კულტურულ ღონისძიებებში მონაწილეობის) მიღებასთან დაკავშირებით ეწევა სტუდენტთა საკონსულტაციო მომსახურებას;
- ბ) მონაწილეობს სტუდენტთა უფლებებისა და კანონიერი ინტერესების დაცვის პროცესში, განყოფილების უფროსს წარუდგენს წინადადებებს უცხოელი სტუდენტებისა და შეზღუდული შესაძლებლობის მქონე სტუდენტების საუნივერსიტეტო ცხოვრებაში ინტეგრირების ხელშეწყობისათვის;
- გ) ახდენს კულტურის/სპორტის სფეროში უნივერსიტეტის საქმიანობის პოპულარიზაციას, მონაწილეობს საორგანიზაციო და განხორციელების ხელშეწყობ ღონისძიებებში (საუნივერსიტეტო ინტელექტუალური/სამეცნიერო/შემეცნიებითი და საქველმოქმედო სახის შემოქმედებითი, ასევე სპორტული ღონისძიებების დაგეგმვა და განხორციელება);
- დ) მხარს უჭერს საუნივერსიტეტო სპორტული გუნდების, მუსიკალური ანსამბლებისა და შემოქმედებითი ჯგუფების შექმნის შესახებ სტუდენტთა ინიციატივებს, შეიმუშავებს ახალ წინადადებებს, ხელს უწყობს მათ რეალიზაციას და ახდენს ამ მხრივ სტუდენტთა საუნივერსიტეტო საქმიანობის კოორდინაციას (ბსუ-ს ვებგვერდზე და სოციალურ ქსელებში* განსათავსებელი ინფორმაციის მომზადება და დადგენილი წესის შესაბამისად წარდგენა/შეთანხმება, საქმიანობის ანგარიშების მომზადება და სხვა);
- ე) მონაწილეობს შემოქმედებითი უნარის მქონე ან სპორტით დაინტერესებული ნიჭიერი სტუდენტების გამოვლენის პროცესში, ახდენს უნივერსიტეტის სახელით რეგიონალურ და რესპუბლიკურ უნივერსიადებში და სტუდენტურ დღეებში მათი მონაწილეობის მხარდაჭერას/ხელშეწყობას;
- ვ) უნივერსიტეტის სტუდენტების ჰარმონიული განვითარებისა და სახელოვნებო სივრცეში მათი მოზიდვის ხელშეწყობის მიზნით შესაბამის კონტაქტებს ამყარებს და ზრუნავს უნივერსიტეტის სტუდენტების ნიჭისა და სურვილის შესაბამისად შემოქმედებით საქმიანობაში ჩაბმაზე;
- ზ) ასრულებს უნივერსიტეტის აქტებით განსაზღვრულ სხვა ფუნქციებს და დეპარტამენტის უფროსისა და განყოფილების უფროსის დავალებებს.

4.4. კულტურისა და სპორტის განყოფილების წამყვანი სპეციალისტი:

- ა) სტუდენტური სერვისების (შემოქმედებით/კულტურულ/მუსიკალურ/სპორტულ გუნდებში/ჯგუფებში გაწევრიანების, კულტურულ ღონისძიებებში მონაწილეობის) მიღებასთან დაკავშირებით ეწევა სტუდენტთა საკონსულტაციო მომსახურებას;
- ბ) მონაწილეობს სტუდენტთა უფლებებისა და კანონიერი ინტერესების დაცვის პროცესში;
- გ) მონაწილეობს კულტურის/სპორტის სფეროში უნივერსიტეტის საქმიანობის პოპულარიზაციის, საორგანიზაციო და განხორციელების ხელშეწყობ ღონისძიებებში;

დ) ხელს უწყობს საუნივერსიტეტო სპორტული გუნდების, მუსიკალური ანსამბლებისა და შემოქმედებითი ჯგუფების შექმნის შესახებ სტუდენტთა ინიციატივების რეალიზაციას;

ე) მონაწილეობს შემოქმედებითი უნარის მქონე ან სპორტით დაინტერესებული ნიჭიერი სტუდენტების გამოვლენის პროცესში, ახდენს უნივერსიტეტის სახელით რეგიონალურ და რესპუბლიკურ უნივერსიადებში და სტუდენტურ დღეებში მათი მონაწილეობის მხარდაჭერას/ხელშეწყობას;

ვ) ასრულებს უნივერსიტეტის აქტებით განსაზღვრულ სხვა ფუნქციებს და დეპარტამენტის უფროსისა და განყოფილების უფროსის დავალებებს.